



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

Numri i lëndës: 2020:015136

Datë: 13.01.2021

Numri i dokumentit: 01402650

P nr.99/2020

NË EMËR TË POPULLIT

GJYKATA THEMELORE NË FERIZAJ-Departamenti i Përgjithshëm-Divizioni Penal, si gjykatë e shkallës së parë penale, dhe ate gjyqtari Elmaz Zenuni, me sekretaren juridike Igballe Arifi, në lëndën penale kundër të akuzuarit A.H.nga fshati..... komuna e Ferizajt , për shkak të veprës penale vjedhja e pyllit nga neni 349 par.1 të KPRK-së, sipas aktakuzës së PTH-së në Ferizaj PP/II nr.141-12/2020 të datës 31.01.2020, pas mbajtjes së shqyrtimit fillestar gjyqësor me datën 12.01.2021, në prezencën e prokurorit të shtetit Bersnik Nuredini, dhe të akuzuarit, të njejtën ditë muarr, kurse me datën 13.01.2021, me shkrim përpiloi këtë:

A K T G J Y K I M

I akuzuari, A.H.nga fshatikomuna e Ferizajt, i lindur me në fshatin të Ferizajt, nga i ati Sh.dhe e ëma N. e gjinisë J., ka të kryer shkollën fillore, i martuar baba i 4 (katër)fëmijëve , i pa punë, i gjendjes së varfër ekonomike, *jeton me ndihma sociale*, me nr. personal, shqiptar, shtetas i Republikës së Kosovës,

ËSHTË FAJTOR

Sepse me datën 25.12.2019 rreth orës 16:00 në Pyllin publik të cilin e menaxhon Drejtoria për Bujqësi, Pylltari dhe Zhvillim Rural- zyra në Ferizaj, në Rajonin Ekonomiko – Pyjor në fshatin Neredime – Jezerc, në vendin e quajtur “Te Prroni i Azemit” me qëllim vjedhje, me sharrë motorike, ka prerë 2 copë trungje dru ahu të njomë boniteti III, me diametër 50 cm, të cilat i ka bartur me traktor IMT 533 në vëllim prej 2,40/m³ dhe në vlerë të dëmit të shkaktuar në shumën prej 332,46 euro.-

Me të cilën ka kryer veprën penale vjedhja e pyllit nga neni 349 par.1 të KPRK-së.

Gjykata, në kuptim të nenit 349 par.1 të KPRK-së dhe nenit 4,11, 17, 21, 38, 46, 47, 48, 49, 69, 71 të KPRK-së, si dhe nenit 365 të KPPRK-së, e

G J Y K O N

ME DËNIM ME KUSHT

I vërtetohet dënimi me burg në kohëzgjatje prej 4 muajve, i cili dënim nuk do të ekzekutohet nëse i akuzuari nuk kryen vepër tjetër penale në periudhën prej 1(një) viti pasi që aktgjykimi të merr formën e prerë.

Obligohet i akuzuari që të damturit DBPZHR zyra në Ferizaj në emër të kompensimit të damit të i paguaj shumën prej 332,46 €, në afatin prej 15 ditësh pasi që aktgjykimi të merr formën e prerë nën kërcënimin e ezekutimit me dhunë.

I akuzuari A. H., konform nenit 353 par. 4 lidhur me nenin 450 par.2 nënpar.2.6 të KPPRK-së lirohet nga shpenzimet e paushallit gjyqësor, për shkak se merr ndihma sociale.

A r s y e t i m i

PTH në Ferizaj sipas aktakuzës së PTH-së në Ferizaj PP/II nr. 141-12/2020 të datës 31.01.2020 ka akuzuar A. H. nga fshati..... komuna e Ferizajt , për shkak të veprës penale vjedhja e pyllit nga neni 349 par.1 të KPRK-së,

Gjykata duke vepruar në këtë çështje penale mbajti shqyrtimin fillestar gjyqësor me dt. 12.01.2021 në të cilën përfaqësuesi i akuzës - prokurori i shtetit Besnik Nuredini, lexoj aktin akuzues, dhe gjyqtari pasi që u bind se i pandehuri e ka kuptuar akuzën konform nenit 246 të KPPRK-së, të pandehurit i ofroj mundësinë të pranoj fajësinë ose të deklarohet i pafajshëm.

I akuzuari A.H. në shqyrtimin fillestar gjyqësor ka deklaruar se e pranon fajësinë për veprën penale e cila i vihet në barrë, i ka premtuar gjykatës se në të ardhmen nuk do të kryej veprë penale dhe se që nga ajo ditë nuk ka shkuar në pyll. Jeton me ndihma sociale dhe në gjykatë ka deponuar Kartonin e Ndhimave sociale.

Gjykata konstatoi se janë plotësuar kriteret nga neni 248 të KPPRK-së, meqë i akuzuari ka kuptuar natyrën dhe pasojat e pranimi të fajësisë, një pranim i tillë është bërë vullnetarisht edhe pas udhëzimeve të gjyqtarit konform nenit 383 par.2 të KPPK-së dhe mbështet në faktet dhe provat e kësaj çështje penale siç janë: Procesverbali i DBPZHR zyra në Ferizaj nr.01/2020 , Protokolli 01/2020 e datës 06.01.2020, si dhe Fletëparaqitja e Rojës së pyllit 08/2020 dt.08.01.2020, akuza nuk përmban shkelje të qartë ligjore ose gabim faktik, andaj shqyrtimi gjyqësor konform nenit 246 të KPPK-së, ka vazhduar pa fjalën përfundimtare të palëve.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhja e pyllit nga neni 349 par.1 të KPPRK-së, të kryer në mënyrën dhe rrethanat e përshkruara si në dispozitiv të këtij aktgjykimi.

Përfaqësuesit juridik i të dëmtuarës DBPZHR- zyra në Ferizaj nuk ka marrë pjesë në shqyrtim fillestar, por konform nenit 245 par.7 të KPPRK-së prezenca e tij në këtë fazë të procedurës nuk është e domosdoshme.

Me rastin e caktimit të llojit dhe lartësisë së dënimit gjykata pati parasysh të gjitha rrethanat të cilat në kuptim të neni 69 të KPPRK-së ndikojnë në përcaktimin e llojit dhe lartësisë së dënimit. Gjykata të akuzuarit si rrethana lehtësuese i mori parasysh pranimin e fajësisë, është i martuar me katër fëmijëve, pa kurrëfar të ardhurash-*jeton me ndihma sociale*, si dhe gjendjen shumë të varfër ekonomike të akuzuarit, i ka premtuar gjykatës se në të ardhmen nuk do të kryej veprë penale. Ndërsa, rrethana veçanërisht rënduese gjykata nuk gjeti. Gjykata, të pandehurit i shqiptoj një dënim të kushtëzuar duke marrë parasysh shkallën e përgjegjësisë

penale, rrethanave të kryerjes së veprës nga neni 48 i KPRK-së, me të cilin dënim do të arrihet qëllimi ndëshkimor në kuptim të preventivës speciale dhe asaj gjenerale i paraparë me neni 38 të KPRK-së.

Konform neni 463 par.1 të KPPRK-së, gjykata të pandehurin e ka obliguar që të dëmtuarës DBPZHR- zyra në Ferizaj në emër të kërkesës pasuroro – juridike të ia kompensoj dëmin e shkaktuar në shumën prej 332,46 €, në afatin prej 15 ditësh pasi që aktgjykimi të merr formën e prerë nën kërcënimin e ezekutimit me dhunë.

Në bazë të neni 353 par. 4 lidhur me neni 450 par.2 nënpar.2.6 të KPPRK-së lirohet nga shpenzimet e paushallit gjyqësor, për shkak se i akuzuar merr dhe jeton me ndihma sociale.

Në bazë të së theksuarës më lartë u vendos si në dispozitiv të këtij aktgjykimi.

GJYKATA THEMELORE NË FERIZAJ

P nr.99/20 dt.12.01.2021

Sek.juridike

Igballe Arifi

Gjyqtari,

Elmaz Zenuni

KËSHILLA JURIDIKE

Kundër këtij aktgjykimi është e lejuar ankesa,

në afat prej 15 ditëve nga dita e pranimit

Gjykatës së Apelit në Prishtinë.

Ankesa dorzohet nëpërmes të kësaj gjykate.